



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 01/09/2021

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Finanzen & Wirtschaft weiderzeleeden.

Grouss Entreprises aus dem digitale Secteur sinn ëmmer nees ob der Sich no engem passende Standuert fir hier Datenzentren. D'Verhandlung mat de respektive Staaten a Gemenge verlafen dobäi meeschtens ënner Ausschloss vun der Öffentlechkeet an net seele sinn ëmfaassend Steiervergëschtegungen Deel vun den Accorden.

Gerechtfäerdeg ginn déi héich Steiervergëschtegungen, déi den Datenzenterbedreier accordéiert ginn, an der Reegel domat, dass duerch den neien Datenzenter sollen Aarbechtsplaze fir Employéë geschaaft ginn an och de lokale Bausecteur vum Bau vum Komplex soll profitéieren.

Tatsächlech ass et awer esou, dass de Bausecteur just punktuell vun zousätzlechen Opträg profitéiere kann an Datenzentren eng éischter geréng Unzuel u Personal brauchen. Järlech Steiervergëschtegungen a Milliounenhéicht erschénge virum Hannergrond vum héije Ressourcéverbrauch vun den Zenteren, an dem limitéierten Impakt op den Aarbeetsmarché dofir alles aneres wéi gerechtfäerdeg.

An deem Zesummenhang wéilt ech de Ministeren dës Froe stellen:

1. Gouf et fir den eventuell geplangten Datenzenter zu Biissen Diskussiounen, an deenen och Steiervergëschtegunge gefuerdert, voir envisagéiert goufen?
2. Falls jo: Wéi héich waren déi gefuerdert/ugebuede Vergëschtegungen?
Wéi vill Aarbechtsplaze sollt den Datenzenter schätzungsweis schafen, falls sech fir de Standuert zu Biissen entscheet géif ginn?

Mat déiwem Respekt,



www.piraten.lu



CLEMENT Sven

Député



www.piraten.lu